

7. september 2020

**Naalakkersuisut nipisattassiissutininik suliarinninneranni peqataasinnaaneq
pillugu
NASSUIAAT
Kukkunersiuinermut Ataatsimiititaliamit
saqqummiunneqartoq**

Ataatsimiititaliap suliarinninnermini inuttarai:

Inatsisartunut ilaasortaq Erik Jensen, Siulittaasoq
Inatsisartunut ilaasortaq Aqqa Samuelsen, Siulittaasup tullia
Inatsisartunut ilaasortaq Malene Vahl Rasmussen
Inatsisartunut ilaasortaq Pele Broberg
Inatsisartunut ilaasortaq Aleqa Hammond

Naalakkersuisut nipisattassiissutininik qaffaanerat, Naalakkersuisullu Siulittaasuata aalisariumminik attartortitsinera pillugit tusagassioffinni allaaserinninnerit tunngavigalugit Kukkunersiuinermut Ataatsimiititaliaq pissutsit assigiinngitsut atuuttut erseqqinnerusumik qulaajaaffigiumallugit Naalakkersuisut Siulittaasuannut ulloq 6. juuni 2020-mi saaffiginnippoq.

Killiliineq

Pisortat ingerlatsinerat pillugu paasitinneqarsinnaatitaaneq pillugu inatsimmi suliamik suliarinninnermut peqataasinnaanermut malittarisassat qanoq maluginiarneqarsimanerat malinneqarsimatiginerallu ataatsimiititaliap suliamik matuminnga suliarinninnerani isiginiarneqarpoq. Tassunga atatillugu ataatsimiititaliap 2015-imi avaleraasartuunik pisassiinermi suliamik ingerlatsisoqarsimaneranik misissuineq innersuusutigissavaa, tassani ataatsimiititaliap isornartorsiutaasa ilaat avaleraasartuunik pisassiinermi suliamik suliarinninnermi peqataasinnaanermut apeqqummik Naalakkersuisut iliuuseqarsimanerannut tunngassuteqarsimammat. Taamaammat qanoq 2015-imi isornartorsiuneq suliamut attuumassuteqarpallaarsinnaanermut tunngassutilinnik pitsaasumik iliuuseqarnissap qulakkeerneqarnissaanik Naalakkersuisut sulinerminni eqqumaffiginninnerulernerannik nassataqarsimansoq ataatsimiititaliamit nipisattassiissutit pillugit suliamut matumunnga tunngatillugu paasiniarneqarpoq.

Nipisattassiissutit amerlineqarnissaannik aalajangiineq tamatumalu aningaasaqarnikkut kingunerisai ataatsimiititaliamit ilanngunneqanngillat, pisassiissutit amerlineqarnissaannik aalajangiineq aalisarnermi aningaasaqarniarnikkut pitsaanngitsunik nassataqarsimansoq taamaalillunilu nunatta karsianut pitsaanngitsumik kinguneqartoq kingusinnerusukkut paasinarsissagaluarpat suliap immikkoortuata taassuma ataatsimiititaliamit uterfigineqarnissaa ilimagineqarsinnaavoq.

Aammattaq qanoq aalisariutip attartortinneqartup nipisanniarnermut akuerisaatiginera ataatsimiititaliamit sammineqanngilaq. Tamanna suliamut attuumassuteqarpallaarsinnaaneq pillugu apeqqummut ataatsimiititaliamit pingaarnertut isiginiarneqartumut attuumassuteqanngitsutut ataatsimiititaliamit nalilerneqarmat.

7. september 2020

Aammattaq Naalackersuisut Naalackersuisunullu ilaasortat ataasiakkaat ingerlatsinermi iliuusaat kisiisa ataatsimiititaliap isummerfigisinnaavai, tassa aalajangiinerit pisortat aningaasaataannut tunngassuteqartut imaluunniit taakkuninnga atuinerit. Pissutsit inuup nammineq inuunerisaanut tunngassuteqartut ataatsimiititaliamit ilanngutsinneqarsinnaanngillat. Taamaalilluni ataatsimiititaliaq suliamik suliarinninnermut peqataasinnaanermut malittarisassat qanoq malinneqarsimatigineri pillugu apeqqutunik suliaqarsinnaavoq, kisiannili inuup nammineq attartortitsinerani inatsisinik unioqquitsisoqarsimanagera pillugu sulianik suliaqarsinnaanani.

Suliamut attuumassuteqarpallaarnerup sunniutaa

Suliamik suliarinninnermi peqataasinnaanermut malittarisassat qulakkeerinninnermut maleruaqquussutaapput, tassa malittarisassat piginnaatitaaffinnik aalajangiiffigineqartunik qulakkeerinninnissamik siunertaqartut. Oqartussap suliami peqataasinnaanermut malittarisassanik unioqquitsinerata, oqartussap aalajangiinerata pingaarutilimmik amigaateqarnera atortussaatinneqanngitsutullu nalilernerqarsinnaanera nassatarissavaa. Atorfilitat aalajangiisartullu naalackersuinikkut qinikkat suliamik suliarinninnermi peqataasinnaanermut malittarisassanik sakkortuumik unioqquitsippata, tamanna suliap ilungersunassusaa apeqquataatillugu atorfeqarnikkut naalackersuinikkulluunniit akisussaataasoqarneranik kinguneqartinneqassaaq.

Pisut tulleriaarnerat:

Ulloq 1. aprili nipisanniarneq aallartippoq.

Ulloq 26. aprili "attartortup" angallataa nipisanniarnermut peqataanermi motoriminik aserortoorpoq. Naalackersuisut Siulittaasuata attartortup angallataa angallaminik kalillugu nunamut oqquppa.

Ulloq 27. aprili Naalackersuisut Siulittaasuata angallanni, attartortup paasissutissiissutigineqartoq naapertorlugu nipisanniarnermut akuersissutaateqarfigisaminut peqataaginnarnissaa siunertaralugu, attartortumut attartortippaa. Oqaasiinnartigut isumaqatigiissuteqartoqarsimasoq, attartortorlu nalunaaquttap akunnerinik atuiffigisaminik nalunaarsuisussaasoq paasissutissiissutigineqarpoq, tamatuma kingorna KNAPK-p attartornermut nalunaaquttap akunneranut akigititaata 25 %-ianik najoqqutaqarluni naatsorsuisoqarluni.

Ulloq 4. maaji KNAPK'mit NAFO 1B-mi (Sisimiuni) nipisattassiissutit amerlineqarnissaannik qinnuteqaammik Naalackersuisut tigusaqarput.

Ulloq 6. maaji KNAPK'mit NAFO 1E-mi (Paamiuni), 1D-mi (Nuummi) kiisalu 1C-mi (Maniitsumi) nipisattassiissutit amerlineqarnissaannik qinnuteqaammik Naalackersuisut tigusaqarput.

Ulloq 7. maaji nipisanniarneq unitsinneqarpoq 2020-mut pisassiissutit pisarineqarsimalermata.

Ulloq 12. maaji 2020-mi nipisattassiissutit amerlineqassasut Naalackersuisunit aalajangiunneqarpoq. Tamatumani 2019-imi pisarineqanngitsoorsimasut 204 tonsit 2020-mut nuunneqassasut aalajangiunneqarluni. Naalackersuisut Siulittaasuata suliamik suliarinninnermi peqataasimalluni uppersarpaa. Ulloq taanna Kalaallit Nunaanni aalisarsinnaanermut Akuersissutinik Nakkutilliisoqarfik nalunaaruteqarpoq aqutsiveqarfinni

7. september 2020

NAFO 1C-mi kiisalu 1D-mi aalisarsinnaaneq ulloq 13. maajimi ammarneqaqqissasoq NAFO 1D-mi aalisarneq ulloq 16. maajimi unitsinneqassasoq NAFO 1C-mi 17. maajimi unitsinneqassalluni.

Ulloq 13. maaji NAFO 1D-mi kiisalu 1C-mi nipisanniarneq ammaanarpoq.

Ulloq 16. maaji NAFO 1D-mi aalisarneq unitsinneqaqqippoq.

Ulloq 17. maaji NAFO 1C-mi aalisarneq unitsinneqaqqippoq.

Ulloq 19. maaji attartornermut isumaqatigiissut atorunnaarpoq.

Ulloq 2. juuni Naalackersuisut Siulittaasuata nipisanniarnermi inuttut soqutigisaanut tunngassutillit kiisalu nipisattassiissutit amerlineqarnissaat pillugu suliami peqataasimasorinninnerit arlallit tusagassiorfitsigut saqqummerput.

Ulloq 5. juuni Kukkunersuinermit ataatsimiititaliaq tusagassiorfinnut nalunaaruteqarpoq, tamatumani ataatsimiititaliaq suliami pissutsit piviusut qulaajarumallugit Naalackersuisunut arlalinnik apeqquteqalersaartoq paasissutissiissutigineqarluni.

Ulloq 6. juuni Ataatsimiititaliap Naalackersuisunut apeqqutai, ulloq 12. juunimi akissuteqartoqarnissaanik qinnutitalerlugit nassiunneqarput. (ilanngussaq 1)

Ulloq 10. juuni Naalackersuisut nipisattassiissutit amerlineqarnissaanik siunnersuummik suliarinninneranni Naalackersuisut Siulittaasuata suliamut attuumassuteqarpallaarsimasinnaanera pillugu misissueqqullugu Kammeradvokati Naalackersuisunit qinnuigineqarsimasoq tusagassiorfitsigut saqqummerpoq.

Ulloq 12. juuni ataatsimiititaliamut allaffissornikkut ilisimatitsissutigineqarpoq, Naalackersuisut akissutissaat suli nutserneqartut sapinngisamillu piaarnerpaamik ataatsimiititaliamut nassiunneqarumaartut.

Ulloq 15. Juuni Naalackersuisut akissutaat Kukkunersuinermit Ataatsimiititaliamit tiguneqarput (ilanngussaq 2) [11. juuni ullulneqarsimasut ullorlu 15. juuni ataatsimiititaliamit tiguneqartut]. "Naalackersuisut ataatsimiititaliap apeqqutaanut akissuteqarput, taamaattorli Naalackersuisut ataatsimiinnerinit allagaatit ataatsimiititaliamit qinnutigineqartut ilaat nassiunneqarsimanatik, tamatumunnga pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni §10, imm. 1-imut innersuussilluni tunngavilersuisoqarsimavoq, taanna malillugu 'Naalackersuisut ataatsimiinnerinit imaqarniliuinerit allakkiattu allat oqartussamit ataatsimiinnerni taamaattuni atugassanngorlugit suliarineqartut paasitinneqarsinnaatitaanermut ilaatinneqanngillat'.

Ulloq 18. juuni ataatsimiititaliap Naalackersuisunit paasissutissanik pissarsiniarsinnaatitaanera paasitinneqarsinnaatitaanermut inatsimmi malittarisassanik tunngaveqanngitsoq innersuussutugalugu Kukkunersuinermit Ataatsimiititaliaq Naalackersuisunut allagaqarpoq (ilanngussaq 3). Tamatumani aamma pissutsit sorpiaat nalilersuiffigeqqullugit Kammeradvokati qinnuigineqarsimanera pillugu ilisimatinneqarnissaq ataatsimiititaliamit qinnutigineqarpoq, kiisalu Naalackersuisut Kammeradvokatillu akornanni allaffigeqatigiinnerit assilinerinik nassinneqarnissaq. Tamatuma saniatigut misissuinerup inerneranik nassinneqarnissaq ataatsimiititaliamit kissaatigineqarluni.

Ulloq 29. juuni nipisattassiissutit amerlineqarnissaat pillugu Naalackersuisut isummernissaannut tunngavissiat ataatsimiititaliamit ujartorneqartut Naalackersuisunit nassiunneqarput. Taamaalinerani Kammeradvokatip suliamik nalilersuinini suli naammassisimangilaa.

7. september 2020

Ulloq 21. juuli Kammeradvokatip nalilersuinera Naalakkersuisunit Kukkunersiuinermut Ataatsimiititaliamut nassiunneqarpoq. (ilanngussaq 4)

Ulloq 22. juuli Kammeradvokatip nalilersuinera Naalakkersuisunit tamanut saqqummiunneqarpoq. Ulloq taanna Qinigaanerup Misilinneqarnissaanut Ataatsimiititaliamit ilisimatitsissummik Kukkunersiuinermut Ataatsimiititaliaq tigusaqarpoq, Naalakkersuisut Siulittaasuata angallaminik piffissami 27. apriliimit 19. maajimut attartortitsisimanini, tamatumani attartortitsinermut isertitat 27.000 kr.-iusimasut paasissutissiissutigisimagaa tassani allassimalluni.

Ulloq 28. juuli Kukkunersiuinermut Ataatsimiititaliaq suliaq ingerlanneqarsimaneralu pillugit nassuiaammik suliaqarniarluni tusagassiorfinnut nalunaaruteqarpoq.

Ulloq 29. juuli Kukkunersiuinermut Ataatsimiititaliap Naalakkersuisut qinnuigai Kammeradvokatip ilisimasalittut oqaaseqaataanut isummerfiginnequllugit kiisalu ilisimasalittut oqaaseqaat ingerlatsinikkut sunik kinguneqartitsinissamut tunngavissinnersoq nassuiaatigeqqullugu (ilanngussaq 5). Tamatumani ataatsimiititaliaq ukuninnga aamma qinnuteqarpoq:

- a) Siulittaasup Naalakkersuisoqarfiata Kammeradvokatimut allakkiaata 6. juunimeersup (suliakkiissutitut allakkiap), kingusinnerusukkullu suliaakkiissummumut allannguutitut erseqqissaatitulluunniit allakkiaasimasinnaasut.
- b) Kammeradvokatip suliamik nalilersuinermut atugassatut apeqqutaanut Siulittaasup Naalakkersuisoqarfiata akissutai.
- c) Suliaq pillugu inatsisilerinikkut nalilersuinerup Siulittaasup Naalakkersuisoqarfianit Kammeradvokatimut nassiunneqarsimasup kiisalu Siulittaasup Naalakkersuisoqarfiata Kammeradvokatillu akornanni allakkiatigut attaveqatigiissimanerit tamatumunnga attuumassuteqartut tamaasa.

Ulloq 31. juuli ataatsimiititaliap apeqqutaanut 29. juunimeersunut akissumminnik Naalakkersuisut nassiussipput (ilanngussaq 6). Allagaatit siuliani a), b) aamma c) malillugit ataatsimiititaliamit ugartorneqartut akissuteqarnermi ilanngunneqarsimanngillat.

Kukkunersiuinermut ataatsimiititaliap atuuffia

Kukkunersiuinermut Ataatsimiititaliamit suliniutigineqartumik pisortani sulianik ingerlatsinermik, suliaq ingerlanneqarsimaneranik inatsisilerinikkut misissuinerinik aallartitsisoqaraangat, ilisimasalittut oqaaseqaasiortitsisoqaraangat assingusunilluunniit suliaqartitsisoqaraangat, taakku sapinngisamik kinaassusersiorfiunngitsumik peqqissaarullugillu ingerlanneqarnissaannik ataatsimiititaliap qulakkeerinnittarnera nalinginnaasuvoq – taamatullu misissuisup, taanna nunatta karsiata kukkunersiuisorippagu, kukkunersiuisuuppat Naalakkersuisunit toqqarneqarsimasoq, eqqartuussissuserisoqarfiuppat assingusorluunniit, paasissutissat siumut nassiunneqartut pissutsit piviusut atuuttut tunngavigalugit attuumassuteqarnerisut naammannersullu naalilersuinissaminut killilerneqannginnissaanik, kiisalu pisariaqarfiatigut tapiliussatut paasissutissanik killilerneqanngitsumik pissarsiniarsinnaanissaanik qulakkeerinnittarnera.

Misissuineq nunatta karsiata kukkunersiuisanik ingerlanneqarpat pissutsit siuliani taaneqartut eqquutsinneqartarput, tassami misissuinerit aallartinneqartut piviusorsioriumik tamakkiisumillu tunngaveqarluni ingerlanneqarnissaat qulakkiissallugu nunatta karsiata

7. september 2020

kukkunersiuisuanit pisussaaffigineqarmat. Akerlianilli assersuutigalugu inatsisilerinik nassuiaateqarnerni allanik nunatta karsiata kukkunersiuisorinngisaanik suleqateqartoqaraangat, tamannami pissusissamisoorsinnaavoq pisariaqarsinnaallunilu – paasissutissat misissuinermit tunngavissisut tamakkiisuuneri qulakkiissallugit, imaluunniit misissuisup paasissutissanik kissaatigineqartunik pissarsiniarsinnaanera qulakkiissallugu suliaqarsinnaallunilu [pisumi matumani Naalakkersuisunit] pisussaaffiuvoq. Aammattaaq misissuisup suliap ingerlanneqarnerani naleqqussaasinnaanera pingaaruteqarpoq, tamanna ajornartorsiutinik pissutsinillu qulaajarniakkanik nalilersuinermit sunniuteqarsinnaasunik maluginiagaqarnermi. Kiisalu pingaaruteqarpoq suliaqarsinnaallunilu assersuutigalugu paasissutissanik illuinnaasiortunik atugassiinermigut misissuinerup inerneranik sunniinianginnissaa.

Sooq nunatta karsiata kukkunersiuisuanik misissuisitsinissaq Kukkunersiuisuinermit Ataatsimiititaliamit piumaneruneqartarneranut pissutsit siuliani taaneqartut pissutaapput. Oqaatigineqareersutulli nunatta karsiata kukkunersiuisorinngisaanik misissuisitsinissaq ilaanni pisariaqarsinnaasarpog, tamanna assersuutigalugu nunatta karsiata kukkunersiuisua suliaqarsinnaallunilu allatulluunniit suliamut attuumassuteqarneq pissutigalugu illuinnaasiorani pissusilersorsinnaatinnagu, imaluunniit qulequtaq nunatta karsiata kukkunersiuisuata pingaarnertut piginnaasaqarfiata avataaniitillugu, assersuutigalugu suliat pingaarnertut inatsisilerinermit tunngassuteqartillugit.

Mississuineq misissuiffigineqartumit namminermit aallartinneqarssimappat, misissuinerlu nunatta karsiata kukkunersiuisuanit ingerlanneqanngippat, qanoq misissuinerup siuliani oqaatigineqartut kinaassusersiunngitsumik tunngaveqarluni ingerlanneqartiginera Kukkunersiuisuinermit Ataatsimiititaliamit nalilersorniarneqartassaaq, tamannami qanoq ataatsimiititaliap misissuinerup inerniliineranik/ilisimasalittut oqaaseqaammik tunngavissaatitsisinnaaneranut sunniuteqartussaammat. Ataatsimiititaliap suliami pissutsinik atuuttunik tamanik, matumani aamma Naalakkersuisut isummernissaannut tunngavissianik, allakkianik, oqaluserisassanik, imaqarnilianik il.il. suliap pineqartup piareersarneqarnerani suliarineqarneranilu atorneqarsimasunik tamatumunnga atugassatut pissarsisinnaanera pisariaqarpoq. Tamatuma saniatigut suliaqarsinnaallunilu misissuisullu akornanni allakkatigut attaveqatigiissimanernik pissarsisinnaaneq ataatsimiititaliamit pisariaqartinneqarpoq.

Ataatsimiititaliap sulinermini atugassatut Naalakkersuisunut apeqqutinik nassiusaqarsimavoq. Nassuiaat manna paasissutissanik tamatumani pissarsiarineqartunik aallaaveqarluni suliarineqarpoq. Taamaallunilu ataatsimiititaliap paasissutissanik tusagassiorfitsigut, attaveqatigiittarfitsigut il.il. saqqummertunik isummerfiginninngilaq.

Kukkunersiuisuinermit ataatsimiititaliap suliami matumani allagaatinik pissarsisinnaanera

Suliat ingerlasimaneranik siuliani takussutissiami takuneqarasinnaasutut ataatsimiititaliap Naalakkersuisut isummernissaannut tunngavissianik il.il. nassinneqarnissamik qinnuteqarsimavoq (ataatsimiititaliap apeqqutai 6. juunimeersut) ataatsimiititaliarlu ilaatigut Naalakkersuisut Kammeradvokatillu akornanni attaveqatigiissimanermit paasissutissanik arlalinnik tunineqarnissamik qinnuteqarsimavoq (ataatsimiititaliap apeqqutai 18. juunimeersut kiisalu 29. juunimeersut).

7. september 2020

“Naalackersuisut isummernissaannut tunngavissianik” tunineqarnissamik
Kukkunersuinermut Ataatsimiititaliap kissaataa

Allagaatinik allakkatigut 6. juunimeersutigut ugartorneqartunik tunniussinissaq Naalackersuisunit itigartitsissutigineqaqqaarsimavoq. Tamanna pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 10, nr. 1-imut, Naalackersuisut ataatsiminnerinit imaqarniliuinerit allakkiallu allat oqartussamit ataatsimiinnerni taamaattuni atugassanngorlugit suliarineqartut paasitinneqarsinnaatitaanermit ilaatinneqannginnerannik aalajangersaasumut innersuussilluni pisimavoq. Allagaatit taaneqartut tunniunneqarnissaannik ataatsimiititaliaq allakkatigut 18. juulimeersutigut qinnuteqaqqippoq. Tamanna Inatsisartut suleriaasianni § 14, imm. 3-mut innersuussilluni pivoq, tassani ima allassimasoqarpoq:

”Imm. 3. Ataatsimiititaliaq apeqqutip allakkatigut akineqarnissaanik qinnuteqarpat, ataatsimiititaliap qinnuteqaataa Naalackersuisunit naammassineqassaaq. Naalackersuisut taamaallaat paasissutissanik ataatsimiititaliap pissarsisinnaanera killilersinnaavaat, ataatsimiititaliap taakkuninnga paasisaqarnissaminik soqutiginninnera pisortat namminersortulluunniit soqutigisaannut sakkortuneroqisunut tunulliunneqartariaqarpat. Taamatut killiliineq tamatigut allakkatigut tunngavilersorneqarsimassaaq.”

Oqaatigineqassaaq allagaatit (assersuutigaaq Naalackersuisut isummernissaannut tunngavissiat) assilineri aalajangersakkap oqaasertalerneqarnerani erseqqilluinnartumik ilanngunneqarsimanngillat, tamanna ataatsimiititaliap isumaa malillugu ima paasisariaqanngilaq, tassa ataatsimiititaliat allagaatinik taamaattunik pissarsitinneqarnissamik piumasaqarsinnaanngitsut. Ataatsimiititaliat Naalackersuisunut apeqquteqarnermikkut paasissutissanik tunuliaqutaasunik pissarsisinnaapput, taamaammat allagaatinik taamaattunik tunniussimannginneq tunngaviatigut taamaallaat pisariaqanngitsumik killilersuutitut kinguarsaatitullu sunniuteqarsinnaavoq.

Ataatsimiititaliap Naalackersuisunut qinnuteqaqattaarnermini aamma Kukkunersuinermut Ataatsimiititaliap ingerlatsinermik misissuiffiginninnermik aallartitsinissamut immikkut periarfissaqarnera innersuussutigisarpaa, taamaattoqarpallu allagaatit pineqartut ilaatinneqartussaapput.

Allagaatit Kukkunersuinermut Ataatsimiititaliamit kissaatigineqartut Naalackersuisunit ulloq 29. juunimi nassiunneqarput. Tamannali suleriaatsimi § 14, imm. 3-mut innersuussisoqarneranik imaluunniit Kukkunersuinermut Ataatsimiititaliap suliassaanik piginnaatitaaffinilu immikkut ittunik tunngaveqarsimanersoq ataatsimiititaliamit ilisimaneqanngilaq. Taamaammat qanoq Inatsisartuni ataatsimiititaliat allat siunissami tamanna pillugu Naalackersuisunut saaffiginninnermikkut allagaatinik assingusunik pissarsitinneqarnissaminik naatsorsuutiginnissinnaatiginissaat ataatsimiititaliamit isumakulunnartinneqarsinnaavoq.

Tamanna tunngavigalugu ataatsimiititaliaq isumaqarpoq, Inatsisartut suleriaasianni aalajangersakkat erseqqissarneqarnissaat pitsaasuusinnaasoq, taamaalilluni ataatsimiititaliat allakkatigut akissutisinnissamik piumasaqaateqarsinnaatitaanerannut allagaatit attuumassuteqartut ilaatinneqarnerat erseqqilluinnartumik allassimalerluni. Tamanna pillugu Inatsisartut Siulittaasoqarfiannut ataatsimiititaliaq saaffiginnilersaarpoq.

Inatsisartut Naalackersuisullu pillugit Inatsisartut inatsisaanni § 18, imm. 3 kiisalu

7. september 2020

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni § 39 aamma § 40 malillugit Kukkuersuinermut Ataatsimiititaliaq immikkut nakkutilliisussaaitaanini tunngavigalugu Inatsisartuni ataatsimiititaliatut allatut pinnani Naalakkersuisunit atortussanik killeqanngitsumik pissarsiniarsinnaatitaavoq.

Naalakkersuisut Kammeradvokatillu akornanni allaffigeqatigiittarsimanernik tunineqarnissamik Kukkuersuinermut ataatsimiititaliap kissaataa.

Kukkuersuinermut Ataatsimiititaliaq marloriarluni Naalakkersuisut Kammeradvokatillu akornanni allaffigeqatigiittarsimanernik tunineqarnissamik qinnuteqartarsimavoq. Ataatsimiititaliap tamatuminnga siunertaa eqqarsaatigalugu siuliani immikkoortumut Kukkuersuinermut Ataatsimiititaliap atuuffianut tunngassuteqartumut innersuussisoqarpoq.

Naalakkersuisut paasissutissanik ugartorneqartunik nassiussisimangillat, tamatumunngalu ataatsimiititaliamut tunngavilersuuteqarsimanatik. Taamaalilluni Naalakkersuisut paasissutissanik ugartorneqartunik tunniussinaveersaarnarat, ataatsimiititaliap paasissutissanik pineqartunik pissarsiniarsinnaatitaaneranut, paasitinneqarsinnaatitaanermut inatsimmi suliamik takunnissinnaatitaanermut aalajangersakkat killiliinerannik paasinninnermik tunngaveqarsimanersoq ataatsimiititaliamit ilisimaneqanngilaq.

Naalakkersuisut Kammeradvokatip ilisimasalittut oqaaseqaammik suliaqarneranit paasissutissanik attuumassuteqartunik tunniussinaveersaarsimanerannik isumaqassalluni ataatsimiititaliaq aallaavittut tunngavissaqanngilaq. Naalakkersuisulli Kammeradvokatimik allaffigeqateqarsimanerannik, taamatullu suliaqkiutip oqaasertalerneqarsimanerata immikkualuuttortaanik ataatsimiititaliap paasitinneqarsinnaasimanginnerata inerneraa Kammeradvokatip ilisimasalittut oqaaseqaataata ilaatigut illuatungerisamit ilanngussatut iluseqalenera.

Ilisimasalittut oqaaseqaat malittuani ataatsimiititaliamit mississuataarneqassaaq immikkoortuisalu ilaat oqaaseqarfigineqarlutik.

Attartortitsinermit isertitat naatsorsorneqarnerat

Kammeradvokatip ilisimasalittut oqaaseqaataani angallammik attartorneq pillugu ima allassimasoqarpoq:

”Naalakkersuisut Siulittaasuata attartortumut ulluni 23-ni attartortitsinermini ulluni ataasiakkaani isertitarisai assigiikannersut tunngaviutinneqarpat, ulluni sisamani taaneqartuni isertitat [maajip 13-ianit 16-ianut] 4.700 kr.-it missaaniissimassapput (tassa 27.000 kr.-it ullunut 23-nut aggorneriarlugit attartornerup sivitsorneqarneranik ullunik sisamanik gangerlugit)”

(Issuagaq Inatsisartut Allattoqarfianni nutserisumit nutserneqarpoq).

Tassunga tunngatillugu ataatsimiititaliamit oqaatigineqassaaq naatsorsuinermit taaneqartunut ullunut 23-nut ullut tallimat (maajip 8-aanit 12-uanut) nipisanniarfiunngitsut ilaammata. Naatsorsuinermit ullut taakku tallimat ullunut aalisarfiusunut ilanngunneqarsimanerannut tunngavilersuutit ataatsimiititaliamit ilisimaneqanngillat. Tamatuma saniatigut ataatsimiititaliamit maluginiarneqarpoq Kammeradvokati ilisimasalittut oqaaseqaammimi allassimammat ”Ilisimatitsissutigineqarpoq akuersissutaatillit aqutsiveqarfimmi najugaqarfisami avataaniittumi aalisarsinnaanerminnik atuisarnerat nalinginnaasuusoq”.

7. september 2020

(Issuagaq Inatsisartut Allattoqarfianni nutserisumit nutserneqarpoq).

Taamaammat ullup 17. maajip Maniitsumi aqutsiveqarfimmi NAFO 1C-mi ulloq aalisarfiusinnaasoq kingulleq naatsorsuineri ilanngunneqarnera eqqornerpaassasoq ataatsimiititaliaq isumaqarpoq.

Taarsiullugu attartorneq nipsisanniarsinnaalluni ullut aalisarfiusut amerlassusaannut aggornilerneqarnera tunngaviutinneqarpat, tassa ullut 15-it, taava naatsorsuineq ima isikkoqassaaq:

27.000- kr.-it ullunut 15-inut aggornilerlugit = ulluni aalisarfiusuni ataasiakkaani 1.800, kr.-it.

Siuliani allassimasut naapertorlugit nipsisattassiissutit amerlineqarnerisa kingorna isertitat kr. 7.200 kr.- inut inissinneqarsinnaanerata tamatumata nassatarissavaa (nipsisattassiissutit amerlineqareerneranni ullut aalisarfiit sisamat) imaluunniit **9.000 kr.-it** (nipsisattassiissutit amerlineqareerneranni ullut aalisarfiit tallimat)

Naatsorsuinerit taakku aalisarnerup attartornerup ingerlanerani tamarmi assigiiartumik agguataagaasimanerani tunngaviutitsinermik aallaaveqarsimapput. Akerlianilli piffissap naggataatungaani aalisarnerup tamaviaarunneqarnerusimappat (nalunaaquttap akunnerinik amerlanerusunik atuiffiusumik), taakku 27.000 kr.-it ilaat amerlanerusut; attartornerup aallarteqqaarnerani tamaviaarussinerulluni aalisarsimasinnaanerata attuumassuteqaratik – pisassiissutit amerlineqareernerannut attuumassuteqarsimassagaluarput. Ataatsimiititaliaq nalunaaquttap akunnerinik atuisimanerata paasissutissanik pissarsisimanngilaq, taamaalillunilu Kammeradvokatitulli agguaqatigiissitsinermik tunngaveqartitsisimasariaqarluni.

Oqaatigineqareersutut Kammeradvokatimik allaffigeqatigiittarsimanerit Naalakkersuisunit tunniunneqanngillat. Taamaalilluni piumasaqaatit siuliani taaneqartut piffissami nipsisattassiissutit amerlineqareerneranni attartortitsinermi isertitat 4.700 kr.-it missaanniilernerannut tunngavissisut Kammeradvokatimit namminerit suliarineqarsimanerata imaluunniit Kammeradvokati taamatoqqissaaq ilusileeqqullugu Naalakkersuisunit qinnuigineqarsimanerata nalunarpaq.

Suliamut attuumassuteqarpallaarsinnaanerata minnerpaaffiliussaq

“Suliamut attuumassuteqarpallaarsinnaanerata minnerpaaffiliussaq” pillugu Kammeradvokati ima allappoq:

”Byrådimut ilaasortat arlallit sumiiffimmi arsaattartut peqatigiiffianni pissutsinik assigiinngitsunik suliarinninnerannut atatillugu aningaasaqarnikkut soqutigisat pillugit apeqqummut nunamut namminerata peqqissutsimullu ministeeriaqarfik allakkiakkut ulloq 11. juuli 2015-imeersukkut (i j.nr. 2003-2222/207-4) isummerfiginnippoq. Peqatigiiffiup kommunillu akornanni akiitsunik isumakkeerfiginninnissaaq pillugu siunnersuummut byrådimut ilaasortat isummerfiginninnissaat pingaarnepaajulluni, matumani ilaatigut arsaattartut peqatigiiffiata akilersuijunnaaratarsinnaanerata akiliisinnaajunnaaratarsinnaaneratalu pinaveersaartinneqarnissaa siunertaasimalluni. Byrådimut ilaasortat arfinillit arsaattartut peqatigiiffianni 1.000 kr.-inut, 5.000 kr.-inut, 10.000 kr.-inut, 20.000 kr.-inut, 30.000 kr.-inut kiisalu 31.000 kr.-inut piginneqataassutinik aktiaateqarsimapput. Nunamut namminerata peqqissutsimullu ministeeriaqarfik tassunga atatillugu ima oqaaseqarsimavoq:

”Nunamut namminerata peqqissutsimullu ministeeriaqarfiup paasinninnera malillugu aktianut 5.000 kr.-inik ikinnerusunilluunniit aningaasaliissuteqarluni

7. september 2020

aningaasaqarnikkut soqutigisat ima sunniutikitsigaat allaat suliamut attuumassuteqarpallaartutut nalilerneqaataasinnaanatik.”

Byrådimut ilaasortanut 10.000 kr.-inut amerlanerusunulluunniit aktiaatilinnut tunngatillugu nunamut namminermut peqqissutsimullu ministeeriaqarfik ima oqaaseqarnissaminut tunngavissaqarsimavoq:

”Nunamut namminermut peqqissutsimullu ministeeriaqarfiup paasinninnera malillugu taakku suliap inerneratigut aningaasaqarnikkut soqutigisaatigut angusassaar [...] ima annertutigaat allaat suliamut attuumassuteqarpallaartutut isigineqartariaqarlutik [...]”

(Issuakkat Inatsisartut Allattoqarfianni nutserisumit nutserneqarput).

Tamanna tunngavigalugu Kukkunersiuinermut Ataatsimiititaliaq isumaqarpoq minnerpaaffissaliussaq (2005-imi akit atorlugit) 5.000 kr.- it kiisalu 10.000 kr.- it akornanniissimassasoq, 2020-milu 6.200 kr.-it kiisalu 12.500 kr.-it akornanniissasoq (danskita akigititaat naapertorlugit), Kalaallit Nunaannilu akigititaat naapertorlugit 6.600 kr.-it kiisalu 13.200 kr.-it akornanniissasoq.

Taamaalilluni 7.500 kr.-it 9.000 kr.-illu akornannik isertitaqarneq suliamut attuumasseqarpallaartutut nalilerneqarnermut tunngaviusinnaavoq.

Matumanili oqaatigineqassaaq (2005-imi akigititaat naapertorlugit) 5.000 kr.-inut minnerpaaffiliineq suliap inernissaanik aningaasaqarnikkut toqqaannartumik soqutigisaqarnermut tunngassuteqarmat, suliannilu aningaasaqarnikkut toqqaannanngitsumik soqutigisaqarfiusuni minnerpaaffiliussaq qaffasinnerungaatsiassasoq ilimagineqartariaqarpoq (2005-imi akigititaat naapertorlugit 31.000 kr.-it, takuuk suliap siuliani taaneqartoq; *j.nr. 2003-2222/207-4*).

Naalakkersuisut Siulittaasuata angallamminik attartortitsinermit isertitai 27.000 kr.-iusimasut ataatsimiititaliamut ilisimatitsissutigineqarsimavoq.

Ikinngutigiiinneq tunngavigalugu suliamut attuumassuteqarpallaarneq

Ikinngutigiiinneq tunngavigalugu suliamut attuumassuteqarpallaartarnermut tunngatillugu Kammeradvokati ima allappoq:

”Inatsisartut inatsisaanni § 3, imm. 1, nr. 5, malillugu; ‘Kinaluunniit pisortatigut ingerlatsinermit suliqartoq suliassami aalajangersimasumi peqataasinnaanngilaq, pissutissaqarpat kinaassusersiorsinnaanngissusia qularilissallugu’. Suliamut attuumassuteqarpallaarsinnaaneq pillugu apeqquut nr. 1-imiit 4-mut tamakkiisumik malittarisassiuunneqarnissaa siunertarineqarsimannngimmat aalajangersagaq pineqartoq minitamik ilanngussissutittut aalajangersakkatut nalilerneqarpoq.

Aalajangersakkamut nassuiaatit immikkut ittut malillugit assersuutigalugu inummut suliamut ilaasumut qanittumik ikinngutigiiinneq suliamut attuumassuteqarpallaartutut nalilerneqarnermut tunngaviusinnaavoq. Ikinngutigiiinnikkut susassareqatigiinnermut tunngatillugu suliamut attuumassuteqarpallaartutut naliliinissamut killiliussat qaffasissumut inissinneqartariaqartut inatsisilerinikkut allaaserisami naqissuserneqarpoq. Taamaalilluni Hans Gammeltoft Hansenip sulianni, ”Inhabilitet i forvaltningen”, qupp. 103-104-mi ima allassimasoqarpoq:

”Forvaltningslovimi § 3, imm. 1, nr. 2, malillugu qanimut ikinngutigiiinnerit kinguaariaatut suliamut attuumassuteqarpallaarsinnaaneq assigalugu suliamut attuumassueqarpallaarnermut tunngavissisinnaapput. Ikinngutit tatigeqatigiissuseqarfigineqartarput, kissaataasa pisariaqartitaasalu akuersaarneqarnissaat kissaatigineqartarluni, tamanna aamma pisortat ingerlatsineranni suliassat suliarineqarneranni; pitsaanngitsunik aalajangeeqataanikkut ikinngutigiiinneq innarlerumaneqartanngilaq. Ikinngutigiittulliuna suliamut attuumassuteqarpallaarsinnaanerup suliassaqarfimmuut aalajangersimaqqinnaartumut atuutsinniarnera ajornaatsuinnaanngitsoq. Amerlasuutigut pisortat ingerlatsineranni suliavatangiiisut – sumiiffinnut, suliassaqarfinnut susassareqatigiinnernulluunniit annikitsuarsuarnut tunngassutillit pineqartarput.

Pisortat ingerlatsineranni suliavamerlasuut sumiiffinni inuiaqatigiinnguanut ikitsunut tunngassuteqartarput, soorlu kommunit immikkoortuinut, ilagiinnut imaluunniit pisortat suliffeqarfiutaannut, inuit imminnut qanittumik susassareqatigiiffigisaannut; sumiiffimmi naalakkersuinikkut suliallit pineqarpata, taakku sumiiffimmini inuppasuarnik suleqateqakkajupput [...] susassareqatigiinneq eqqarsaatigalugu nunami mikisumi inuiaqatigiiaannguit ikitsukkaat amerlasuutigut pineqartarput. Susassareqatigiinnermi attaveqarfinnit suleqatinillu arlalinnit pisortani suliavannik ingerlatsisutut akuleruffigisinnaasanit uteqqiattumik sunniisarnerit pineqarlutik.

Pissutsit taamak itsillugit ikinngutigiittut suliamut attuumassuteqarpallaartutut naliliinarnermut killissaritit qaffasissumut inissinneqarnissaat pitsaasuusaaq. Nalinginnaasumik ikinngutigiiinnerit matumani ilaatinneqanngillat; tamannattaarliuna qanimut ikinngutigiiinnermut aamma atuutsinneqartariaqartoq. Aatsaalliuna annertuumik attaveqatigiinneq tunniusimaqatigiinnerlu pineqartillugit attuumassuteqarpallaarneq pineqartariaqartoq.”

(Issuakkat Inatsisartut Allattoqarfianni nutserisumit nutserneqarput).

Qanoq annertutigisumik Siulittaasup attartortumik ikinngutiginninnera allaaserisami suliamut attuumassuteqarpallaarsinnaanermut killiliussap qaangiisimanngitsiginera qaangiisimatigineraluunniit ataatsimiititaliamit qularnaatsumik nalilerneqarsinnaanngilaq. Ikinngutigiiinneq suliamut attuumassuteqarpallaarnermik nassataqarsimagaluarpat Siulittaasup attuumassuteqarpallaarnera qularutissaagunangilaq, tassami attartortup pisassiissutit 6.900.000 kr.-it missaannut nalilerneqarsimasut amerlissutaasa ilaannik pissarsisinnaanera naatsorsuutigisariaqarmat.

Inerniliinerup ilusia

Aalajangiinerup tamanut atuuttuujartornera ilutigalugu suliamut attuumassuteqarpallaarnerup atuutlernissaanut piumasaqaataasut qaffasinneruleriartussapput.

Tassunga atatillugu pisortat ingerlatsineranni suliassat suliarineqartarnerat pillugu inatsimmi § 3-mut piareersaatit Kammeradvokatimit oqaatigineqarput (Folketingstidende 1985/86, ilanngussaq A, spalte 124):

”Pingaartumik aalajangiinerup ilusiata sunniutai eqqarsaatigalugit oqaatigineqassaaq, tamanut atuuttumik aalajangiinerni suliamut attuumassuteqarpallaartoqarneranik naliliinissap

7. september 2020

pisariaqartinneqarnera, suliani ataasiakkaanerusunut tunngassutilinni aalajangiinernut sanilliullugu annikinneruvoq [...]"

(Issuagaq Inatsisartut Allattoqarfianni nutserisumit nutserneqarpoq).

Taamaalillutik aalajangiinerit tamanut atuuttut suliamut attuumassuteqarpallaanermik nassataqarsinnaapput, tamatumanili soqutigisap annertussusia eqqarsaatigalugu killiliussatut piomasqaataasut sulianut ataasiakkaanerusunut tunngasunut sanilliullugit qaffasinnerussapput.

Kammeradvokati nangilluni allappoq, nipsisattassiissutit amerlineqarnerannik aalajangiineq *"tamanut atuuttuursorujussuuvoq aalisartullu amerlasoorujussuit sunniuteqarfigalugit. Taamaalilluni aalajangiineq nipsisanniarnissamat akuersissutaatilinnut tamanut 992-iusunut attuumassuteqarpoq [...] Matumanittaaq aalajangiinerup – paasissutissiissutigineqartut naapertorlugit – Kalaallit Nunaata kitaani tamarmi aqutsiveqarfinnut arfineq marlunnut atuunna pingaartippara, akuersissutaatillilu matumani pineqartut amerlassutsikkut Kalaallit Nunaanni innuttaasut tamarmiusut 1,77 %-iisa missaaniinnerat."*

(Issuagaq Inatsisartut Allattoqarfianni nutserisumit nutserneqarpoq).

Tassunga tunngatillugu ataatsimiititaliamit oqaatigineqassaaq aalajangiinermi aqutsiveqarfinnit arfineq marluusunit taamaallaat marlunni aalisarsinnaanermik ammaasseqqittoqarmat, tassa Nuummi NAFO 1D-mi (ulluni sisamani) kiisalu Maniitsumi NAFO 1C-mi (ulluni tallimani). Akuersissutaateqartut tamarmiusut 992-iusut ilaat qassit sivitsuinermit iluaquserneqarsimanerat ilisimaneqanngilaq, ataatsimiititaliilli paasinninnera malillugu iluaqusiivigineqartut 992-iniit ikinnerungaatsiarsimassapput.

Paasissutissiissutigineqartut naapertorlugit akuersissutaateqartut najukkaminni aqutsiveqarfiit avataanni aqutsiveqarfinni allani aalisartarnerat nalinginnaasuuvoq, taamaalillunilu pissutsit piviusut naapertorlugit iluaqusiivigineqartut amerlassusaat NAFO 1D-mi 1C-milu akuersissutaateqartut amerlassusaasa kiisalu akuersissutaateqartut tamarmiusut 992-iusut amerlassusaasa akornanni nassaarineqartariaqarpoq.

Innuttaasulluunniit matumani sunnerneqartut 992-iniit uuntritilikkaannguanut ikiligaluarpata aalajangiineq suli "tamanut atuuttut" nalilernerqarsinnaassaaq.

Nalunaarfiginnittussaataaneq

Siulittaasup nalunaarfiginnittussaataanera pillugu Kammeradvokati ima allappoq:

"Inatsisartut inatsisaanni § 6 malillugu kialuunniit pissutsinik § 3, imm. 1-imi taaneqartunik pissuseqartumik ilisimannittup oqartussaaffimmi qullersarisani piaartumik tamatuminnga nalunaarfigissavaa – ingerlatsinermut oqartussaaqatigiinnut ilaasortaaffigisanut nalunaarutiginninneq allatut iliornerusinnaavoq – erseqqiluinnaangippat pissuserisat pingaaruteqanngitsuusut [...] Pisuni Siulittaasup nammineerluni iliuusai suliamut attuumassuteqarpallaanermut tunngavissiippata, tamanna pillugu aalajangiisoqarsinnaaqqullugu Siulittaasup allatut iliorluni apeqqut saqqummiuttariaqarjaa. Aatsaat pissuserisat pingaaruteqanngitsuusut erseqqiluinnaarpat nalunaarutiginnittussaataaneq atuutissanngilaq, tassa suliamut attuumassuteqarpallaartoqannginnera qularnanngilluinnaarpat [...] Suliamut attuumassuteqarpallaarsinnaaneq pillugu aalajangiisinnaanermut piginnaatitsissut oqartussaasumi namminermiippoq. Inuk suliamik suliarinninnermi peqataasinnaassusia

7. september 2020

aalajangiifigineqartussa q aalajangersakkami imm. 3 malillugu aalajangiiffiginninnermi peqataasinnaanngilaq”.

(Issuagaq ilaatigut inatsimmi tigulaagaavoq ilaatigullu Inatsisartut Allattoqarfianni nutserisumit nutserneqarluni).

Inaarutaasumik naliliinnermini Kammeradvokati allappoq:

”Suliamik suliarinninnermi Siulittaasoq pingaarutilimmik inassisimareerami, suliami pineqartumi aningaasaqarnikkut soqutigisani pillugit Naalakkersuisunut nalunaarfiginnittussaataaasoq naliliivunga. Allatut oqaatigalugu suliamut attuumassuteqarpallaartoqannginnera ima erseqqitsiginngilaq, allaat nalunaarfiginnittoqartariaqarani [...] Taamaalilluni Siulittaasoq pissutsit pillugit Naalakkersuisunut ilisimatitsinissaminut tunngavissaqarsimavoq – naliliineralu malillugu taamak iliorsimasariaqaraluarluni – tamanna pisassiissutit amerlineqarnissaannik KNAPK-mit qinnuteqaateqartoqarnerata kingorna piaarnerpaamik [...]

Naalakkersuisut pisassiissutit amerlineqarnissaannik suliarinninnginneranni nalunaarfiginnittoqarsimasariaqaraluarneranik Kammeradvokatip naliliinera Kukkunersuinermit Ataatsimiititaliamit isumaqatigineqarpoq. Tamanna aamma ataatsimiititaliap paasinninnera malillugu suliamik suliarinninnermi attuumassuteqarpallaarsinnaanerup nalilersornerani nalorninartut Naalakkersuisut isummerfigisimasariaqaraluagaat arlalliummata sakkortuseriaqqippoq, matumani ilaatigut aamma Siulittaasup isertitassatut (naatsorsuutigisaasa) 4.700 kr.-iusut, 7.500 kr.-iusut imaluunniit 9.000 kr.-iusut (imaluunniit naatsorsueriaaseq alla tunngaviutinneqarpat 27.000 kr.-iusut) annertussusaat pillugu nalorninartut, aalajangiinnermi innuttaasut qassit pissutsit piviusut malillugit sunnerneqarnerat pillugu nalorninartut minnerunngitsumillu Siulittaasup attartortumik ikinngutiginninnerata nassataanik suliamut attuumassuteqarpallaarsinnaanerup nalorninarnera.

Inernilineq

Siulittaasup pisassiissutit amerlineqarnissaannik suliarinninnerup aallartinnginnerani suliamut attuumassuteqarpallaarsimasinnaaneq pillugu isumaliutiminik Naalakkersuisunut nalunaarfiginnissimanninnera ataatsimiititaliamit **sakkortuumik uparuarneqarpoq**. Aammattaaq Naalakkersuisut pisassiissutit pillugit siunnersuummik suliarinninnginneranni Naalakkersuisunut ilaasortat ilaasa suliamut attuumassuteqarpallaarsinnaanerannik nalilersuisoqarsimasungannginnera ataatsimiititaliamit **isornartinneqarpoq**.

Naalakkersuisut Siulittaasuata suliami matumani suliamut attuumassuteqarpallaarsinnaanermut apeqqummik eqqumaffiginnissimanninnera ataatsimiititaliap **sakkortuumik uparuarpaa tamannalu Inatsisartunut immikkut maluginiaqqullugu**. Isornartorsuineq taanna pingaarnertut 2015-imi avaleraasartoortassiissutit pillugit suliamik ingerlatsisimanermik misissuisimanermut, Naalakkersuisut suliamut attuumassuteqarpallaarsinnaanermut apeqqummik eqqumaffiginninnerminnik nukittorsaaqarnerannik takutitsisumut atatillugu isiginiarneqassaaq. Suli pitsanngorsaasoqartariaqartoq suliami matumani paasinarsivoq.

7. september 2020

Naalakkersuisut Siulittaasuata nalunaarfiginnittussaaitaanerminik eqqumaffiginnissimannginnini ajuusaarutigalugu ataatsimiititaliamut ersersikkaa ataatsimiititaliamit maluginiarneqarpoq, suliamullu attuumassuteqarpallaarsinnaanermut apeqqutit siunissami Naalakkersuisunut ilaasortanit allaffissornermillu pisarialik naapertorlugu eqqummaariffigineqarnerunissaat anguniarlugu malittarisassat atuutereersut allannguutissaattut siunnersuummik suliaqartoqassasoq Siulittaasup allaffissornermut qinnutigisimagaa.

Aammattaaq Naalakkersuisut allagaatinik ataatsimiititalianut tunniussinissaminnut piumassuseqannginnerat ataatsimiititaliamit ajornartorsiuterujussuartut **isornartorujussuartullu** isumaqarfigineqarpoq. Naalakkersuisut pissusilersornerat Inatsisartuni ataatsimiititaliat suliasaminnik, ilaatigut Naalakkersuisunik nakkutilliinermik imaqartunik isumaginnissinnaanerannut pisariaqanngikkaluamik akornusersuutaavoq.

-oOo-

Kukkunersiuinermut Ataatsimiititaliaq sinnerlugu

Erik Jensen, Siulittaasoq